

# La'o Hamutuk

Institutu Timor-Leste ba Monitor no Analiza Dezenvolvimentu

Rua dos Martires da Patria, Bebora, Dili, Timor-Leste

Tel: +670 332 1040

Mobile: +670 7723 4330

Email: [laohamutuk@gmail.com](mailto:laohamutuk@gmail.com)

Website: [www.laohamutuk.org](http://www.laohamutuk.org)



Data, 13 Fevereiro 2018

Ba: Exma Sra. Aménica Machado  
Diretora Nasionál ba Diresaun Nasionál Controlu Poluisaun E Ambiente  
(DNCPIA) - RDTL.

Kona-ba: Rekerimentu asesu informasaun

Ho Respeita

Ba dala uluk ami husi La'o Hamutuk agradese tebes ba ita nia diskusaun ne'ebé realiza iha fulan balu liu ba envolve ekipa husi La'o Hamutuk halo ho Sua exelénsia Sr. Abrão Gabriel Santos Oliveira, Vise-Ministru Dezenvolvimentu ba Abitasaun, Ordenamentu no Ambiente, inklui mós ho nia ekipa husi DNCPIA hodi fahe informasaun ba malu no mós oinsá estabelese servisu hamutuk iha futuru.

Ami kontente ho kometimentu husi Sua exelénsia Sr. Abrão ne'ebé hakarak kolabora ho parte interesadu sira inklui mós sociedade sivíl hodi bele kontinua apoiu ba ajuda DNCPIA no tau matan ba implementasaun projetu infraestrutura sira iha Timor-Leste.

Alende ida ne'e Sua exelénsia ninia polítika ba promove transparénsia no kontabilidade hodi partilla informasaun hotu-hotu ba públiku inklui sociedade sivíl sira ne'ebé presiza liga ho projetu sira nia estatutu tuir Dekretu Lei lisensamentu ambientál hatete.

Ami apoiu servisu gabinete vice ministru inklui mós DNCPIA ne'ebé kontinua hadi'ak nia sistema fornimentu informasaun ba públiku no mós foti asaun ho rigorozu hasoru kompañia ka proponente projetu sira ne'ebé la obedese no viola lei ambientál sira ne'ebé eziste. Hanesan ema barak temi katak aspetu ida ne'ebé importante liu husi Dekretu-Lei sira ne'e mak oinsá ema bele kumpre nia devér hodi implementa Dekretu Lei sira ne'e ho sériu.

Karta pedidu ida ne'e ho objetivu atu kompriende kle'an kona ba projetu boot sira nia prosesu implementasaun Lisensamentu Ambientál dezde Dekretu Lei No 5/2011 vigor.

Ami nu'udar rekerente husu kópia husi dokumentu ofisiál sira-ne'ebé identifika iha-kraik:

1. Lista aplikasaun iha Lisensamentu Ambientál ba Projetu kategoria A no B inklui proponente projetu, data no estatutu atuál ( husi tinan 2007-2018);
2. Paresér hosi relatóriu Komisaun Avaliasaun ba kada aplikasaun;
3. Kópia hosi Lisensamentu Ambientál ba Kategoria A no B hotu ona inklui mós sira nia dokumentu TOR,
4. Kópia dokumentu kada projetu nia estudu, EIA, EMP no EIS;
5. Lista proponente sira no mós ho razaun tanba sá tama iha faze investigasaun

Bazeia ba Artigu 38 iha Dekretu Lei temi katak Autoridade Ambientál mantén dokumentu importante sira ne'ebé públiku bele asesu no iha informasaun hotu (bele haree iha anexu karta ida ne'e kona ba esplikasaun Artigu 38. Ami mós husu autorizasaun ba *Reutilização dos Documentos*,

tuir artigu 12 husi Dekretu-Lei nú 43/2016, loron-14 fulan-outubru (Regra sira relaciona ho Asesu Dokumentu Ofisiál).

Ami espera katak Ita-Boot sei fornese dados no informasaun sira ne'ebé mensiona iha leten hodi apoiu ami nia estudu no análize sira liga ho implementasaun projetu boot sira iha Timor-Leste no oinsá nia impaktu sosiál no ambientál ba comunidade vulneravel sira. Ami mós kontente atu simu informasaun iha tempu ne'ebé di'ak.


Karta ida ne'e ami:

Obrigado barak ba Ita-Boot nia kooperasaun.

Ami be saran lia



Adilsonio da Costa



Mariano Ferreira



Pamela Sexton

Equipa Ambiental, La'o Hamutuk

**Cc. ba:**

Sua. Exelénsia Sr. Abrão Gabriel Santos Oliveira,  
Vise-Ministru Dezenvolvimentu ba Abitasaun, Ordenamentu no Ambiente.